

Gloppen folkebibliotek 2022:

Eit opnare bibliotek

I året som gjekk vart biblioteket meir tilgjengeleg på fleire vis: Til påska opna «meiroppe bibliotek» – som gir tilgang til biblioteket kvar dag frå kl 7 – 23, for alle med avtale. Så langt har nær 600 personar gjort avtale om meirope-tilgang. Biblioteket vart i 2022 besøkt også om morgonen, om kvelden og i helgane.

Eit fornya bibliotek opna midt på sommaren. Biblioteket har blitt meir ope og oversiktleg, med fleire lune krokar og innbydande stader ein kan slappe av, lese, arbeide, leike eller spele. Endringane er blitt godt mottekne, og den nye kaffiautomaten er populær. Fornyinga har vore muleg ved godt samarbeid og felles innsats frå mange partar: Gloppen kommune, Firda vidaregåande skule, Trivselshagen Eigedom og Seksjon for bibliotekutvikling Vestland.



Fornya interiør og ny planløsning, utarbeida av interiørarkitekt Mette Heimtun i lag med dei tilsette. Prosjektet hadde tittelen «Folk og fargar, fakta og fantasi»

Utlån av fysiske bøker auka med 3000 i året som gjekk. Digitale tenester er også ein viktig del av bibliotektilbodet: PressReader, BookBites, Filmbib, Filmoteket (nytt tilbod i 2022).

Biblioteket har organisert turnéar i skulane i samarbeid med Den kulturelle skulesekken (Lokal DKS), med forfattarane Selma Lønning Aarø, Anders Totland og Anne Gunn Halvorsen. Biblioteket har eit fast "Trygg start"-tilbod til alle 1., 2. og 3. klasser. Det har vore laga til rekordmange bokkasser til alle skulane i kommunen, til barnehagar, til helsestasjonen og tannhelsetenesta.

Aktivt søknadsarbeid førte mellom anna til foredragsserien "Kortreist kunnskap", støtta av Bibliotekutvikling Vestland og Nasjonalbiblioteket. Midlar frå Fritt ord førte til fleire arrangement i prosjektet "Pengane og livet".

Døme på samarbeid med lokale lag og organisasjonar i 2022:

- Ose Kammerspel: Forfattarkveld med Jostein Gaarder
- Målkafé i lag med Gloppen Mållag
- Temakafé i lag med Kreftforeninga
- Frøbibliotek i lag med Hageselskapet Gloppen
- Laurdagsope bibliotek med konsert frå Gloppen Musikkfest



Ann Karin W. Ose i samtale med Jostein Gaarder

2022 var eit aktivt år med store endringar parallelt med vanleg drift, noko som var krevjande for eit lite personale. Det merkast at Gloppen folkebibliotek har nådd ei grense for nivået på tenestene med dagens personalressurs, den lågaste på fleire tiår: 2,65 stilling.

Statistikk

Utlån av fysiske bøker, teikneseriar, blad, lydbøker og filmar: 41.537

Til samanlikning lånte ein ut 38.675 fysiske medier i 2021.

Utlån av digitale bøker og lydbøker i appen BookBites: 934

Totalt utlån i 2022: 42.471

Meiroke bibliotek-avtaler: 591

SommarLes-deltakarar: 253

Besøkande i 2022: 38.300

Mest utlånte bøker for barn

1. Trollriket / Malin Falch (Nordlys)
2. Visste du at-? Godteri / Anna R. Folkestad (Leseland)
3. Den krokete mannen / Russel Punter (Leseland)
4. Tantrøbbel / Anna R. Folkestad (Leseland)
5. Byggebøll / Anna R. Folkestad (Leseland)

Mest utlånte bøker for voksne

1. Min skyld : en historie om frigjøring / Abid Q. Raja
2. Jente, 1983 / Linn Ullmann
3. Å vanne blomster om kvelden / Valérie Perrin
4. Hun skrev for å kunne leve : min mor Marie Takvam / Magnus Takvam
5. Morfar pustet med havet / Trude Teige



Barnebibliotekaren formidla «Gullhår og dei tre bjørnane» til barnehagebarn